

# I yu'xarij ti hua'puaj a'íin ti jo'yú'xaca' i San Juan

---

## Juan pu hua'tyojtye'

<sup>1</sup>Nyáaj i nyaj vásti' pué'een, yaa nu já'muatyoytye' mua'ajmaj i Dios ti jamua'antyíhuoo siajta mu siaj hua' jitze ajtyáma'can. A'yaa nu jì'récán jime' tyaja'muaxie've', nyajta quee nyáaj nyana'aj, sulu majta mu néijmi'i i maj jamua'tyej i nyúucarij ti a'yan tyi'ja'yájna. <sup>2</sup>A'yaa nu a'íjna jin tyaja'muaxie've' a'íjna jime' i nyúucarij ti a'yan tyi'ja'yájna, ityájma ti jimi séejre', ajta tajimí séeria'aj ja'mej jusén jime'. <sup>3</sup>Che' a'íjna i Dios i tyaj jajvástara', ajta i Jesús ti Ciriístu' pué'een, i ti ajta yójra' pué'een i Dios, miche' a'íin tyámua' tyajamuaatyátoonyij, majta jamua'ancu'vaxi'in, majta jamuaatyápua'ritye'en ja'mua tzajta', siaj sij jì'récán jime' tyámua' tyityetyúucha'ij, siajta huóoxie've'en séej siajta séej.

## A'íjna i nyúucarij ti ta'ijtye' tyej tyij huátaxie've'en séej tyajta séej

<sup>4</sup>Jéehua nu huatányetyamua'vej nyati'ij jáamua'reeri', maj séecan i maj ja'mua jitze ajtyáma'can tyámua' tyityetyúucha'íij, a'yájna ti'ij tyitaata'ij a'íjna i Dios i tyaj jajvástara'. <sup>5</sup>Ajta ijíij, nye'ihuámua' mu nyaj já'muaxie've', a'yaa nu tyaja'muahuaviij siaj huóoxie've'en séej siajta séej. Canu tyi'tíj jin jájcuan jime' tyajá'muayu'se'ej, sulu a'íj nu'uj i nyúucarij i ti jájcua'j imuáj ityájma jimi huatyátuihuaca'. <sup>6</sup>A'íjna i tyaj jin taxie've', a'yaa pu tyé'miteere' tyaj a'yan huárinyij je'ej ti i Dios tyí'ta'ijtye', ajta i nyúucarij i ti jin tyí'ijta, mua'aj xu seríj jájcua'j imuáj jáanamujri' ti a'yan tyúuxie've' siaj tyámua' tyityahuóoxie've'en.

<sup>7</sup>Ji'nye mua'aj xu a'yan ciinyej i cháanacaj japua hua' tzajta' a'íimaj i maj já'muacuanamuaj, i maj majta quee a'yan tyá'mua'tyej i Jesús ti a'íin Ciriístu' pué'een ti ajta huatyóotyevistaca'. A'íimaj i maj a'yan een, a'íi mu a'íin pué'een i maj tyú'cuanamuaj, majta jájcha'íire' i Ciriístu'. <sup>8</sup>Tyámua' xu'uj mua'aj, tyej tyij quee yó'rieenyij i tyaj



© 1996 David C. Cook

### 2 San Juan 7-11

jín tyu'muáriej ja'mua jimi, sulu tyej tyij néijmi'i ancuriáan i tyaj jaamué'tij i Dios jimi.

<sup>9</sup>A'tíj tina'aj ti a'yan rijcaj tyi'tíj jime' je'ej ti jusíj tyéejtyoj, ajta quee já'astyaj je'ej ti i Círíistu' tyitaamuá'tyej, capu i Dios séejre' a'íjna jimi i a'tíj, ajta a'íjna i ti a'yan ricij je'ej ti a'íin tyitaamuá'tyej a'íi pu jimi séejre' i Dios ajta a'íjci jimi i yójra'. <sup>10</sup>Típua'aj síj a'tíj já'muamuaariaj ajta quee já'astyaj a'íjci i nyúucarij, caxu jatyojtya'aj, caxu siajta jaataxié've'en i juchéj, <sup>11</sup>ji'nye a'tíj ti jaatatyójtje'en, a'íi pu jamuán ajta je'ej pua'aj rinyij.

#### **I nyúucarij ti jín hua'tyojtye' ti ajta jín ja'antypuá'rij**

<sup>12</sup>Jéehua pu óoche' i nyaj tyajá'mua'ixaatya'mui', nyajta quee a'yan tyá'xie've' nyaj jamuaaté'exaatye'en a'íjci jitze i yu'xarij. A'yaa nu tyi'ijchó've' nyaj a'áa jó'me'en ja'mua jimi, nyej nyij jamuaaséeran a'yan nyetyajamuaaté'exaatye'en, tyej tyij néijmi'i huátatyamua've'en.

<sup>13</sup>A'íimaj i yójmua'mua' a'ihuáara' ti íiti' i ti ajta i Dios hua'antýíhuoj, a'íi mu majta yajá'muatyojtye'.